

PARADA DI LUZ UN MARAVILLA ATROBE

ORANJESTAD(AAN)E parada di Luz di Aruba Tivoli Club tabata un maravilla atrobe, y diasabra anochi por a goza di seis grupo di Aruba Tivoli Club presentando hunto cu nan gruponan di participante, 22 pieza precioso pa publico camavalesco.

"I can't find words, wonderful wonderful, wonderful", un turista a keda expresa riba locual e tabata mirando.

A cuminza cu e grupo di wayerman, presentando un wayer masha bunita, sigui pa Brassband Bad Boys, pa despues presenta double Wayer sigui pa Eddy Tec.

Otro wayer cu a ricibi hopi aplauso tabata esun cu algo manera un palmita banda di dje, mientras cu esun cu a pega duro den bista di publico tabata e wayer chines sigui pa un discoteca.

Maybeline Arends a

cosecha masha aplauso pa su piesa cu cas di Aruba den su wayer y a swing riba ritmo di Energy Brass

Despues a habri e grupo di indiannan, cu e reina juvenil di Aruba Tivoli Club den su carosa cu canoa y tent indian cu tabata un di e piezanan mas bunita den e parada como carosa.

Di e mes grupo di indian a sobresali tambe e pieza di hacha, spear, arco cu flecha, cu grupo di indiannan siguiendo lorando nan ritmo bailable riba tononan di Eclipse.

Por a mira den e grupo aki tambe un headpiece indian masha bunita, cu a ser sigui

pa formacion TAXX cu a sona hopi bon.

Hopi aplauso tambe tabata pa e carosa di Joyita cu a ser sigui pa e barco Tatoo y musica di Grasshopper band.

Un pieza den oro cu a sobre

sali hopi tambe tabata di Royal Cabana Casino cu tabata forma parti mescos cu barco Tatoo di e lugarnan turistico di nos isla den grupo "cayanan di Aruba".

Di J. E. Irausquin Boulevard a presenta Eagle cu windsurfing, matanan di coco, sigui pa Galileistraat cu su signonan di universo, Brasiliestraat cu su bailarina brasileña.

Academy Brass a sigui den e grupo aki prome cu a pasa pa e parti di cos dushi y mangelnan, cuminsando cu Ice CreamCone, mangel sucu, sigui pa Letter Fashion den un pieza bunita di Roraima Arends y su compañera di e pieza.

A sigui Damia's Fashion, cu musica di Dushi Band, y mes ora su tras a bini R-Design cu Ronchi de Cuba. Por bisa cu Ronchi a steal the show e anochi aki cu su baile riba ritmo di Sake

Boem y su "hit the floor a impacta"..

Un preciosidad tambe tabata e sirenanan di Damilice Mansur cu a ser sigui pa e pieza cu tabata tin tur hende den duda si ta regenboog, luna, bals, of bublegum e tabata.

Oreo tambe tabata den su anochi cu su exito musical cu a bira exito camavalesco riba tur tres isla di ABC den grupo di cos dushi cu e renchinan y mentanan.

E anker di barco pirata di grupo di pirata tambe tabata un di e piezanan precioso di e Lighting Parade di Aruba Tivoli Club, cual a ser sigui

musicalmente cu tononan di Quasi, cu a zona fuerte.

E di 22 pieza tabata di tesoro, cu piratanan mata di coco cu mes ora su tras un bunita Baul pero e tesoro den e baul tabata bebibanan di e grupo ya cu e baul a resulta di ta un bar.

Musical Time tabata e banda cu a cera e parada cu centenares di hende cu a probecha pa los pia den otro parada di Aruba Tivoli Club cu lo keda graba como recuerdo cerca miles di hende y principalmente cerca e centenares cu a mira e parada pa prome biaha y nos bishitantenan.